

Na osnovu člana 15. Zakona o principima lokalne samouprave (Službene novine Federacije Bosne i Hercegovine“, broj 49/06 i 51/09) i člana 41. Statuta Grada Tuzle („Službeni glasnik Grada Tuzla“, broj 6/21), Gradonačelnik Grada Tuzle, donosi

ODLUKU

o izmjenama i dopunama Odluke o načinu raspoređivanja finansijskih sredstava iz Budžeta Grada Tuzla neprofitnim organizacijama po LOD metodologiji

Član 1.

(1) U Odluci o načinu raspoređivanja finansijskih sredstava iz Budžeta Grada Tuzla neprofitnim organizacijama po LOD metodologiji („Službeni glasnik Grada Tuzla“, br: 1/19 i 5/21), u članu 1. iza stava (1) dodaje se stav (2) koji glasi:

„(2) Sredstava iz prethodnog stava dodjeljuju se u skladu sa Metodologijom za transparentno finansiranje projekata neprofitnih organizacija po standardima Evropske unije – LOD metodologija i Metodologijom dodjele sredstava udruženjima i fondacijama u BiH za projekte podrške mladima koju je kreirao Institut za razvoj mladih KULT.

Član 2.

U članu 10. iza stava (1) dodaje se stav (2) koji glasi:

„(2) U izuzetnim slučajevima broj i sastav članova Komisije iz prethodnog stava može biti određen na drugačiji način, u skladu sa specifičnim potrebama za procjenu u određenoj prioritetnoj oblasti ili zahtjevima donatora.“

(2) Postojeći stavovi (2) i (3) postaju stavovi (3) i (4).

Član 3.

(1) U članu 12. iz stava (2) dodaje se stav (3) koji glasi:

„(3) Ukoliko članovi Komisije ne mogu postići usaglašen broj bodova svaki član Komisije može dodijeliti bodove za svaki od kriterija pojedinačno. Konačan broj bodova utvrđuje se kao prosječan broj bodova svih članova Komisije.“

(2) Postojeći stav (3) postaje stav (4).

(3) Iza stava (4) dodaje se stav (5) koji glasi:

„(5) Kriteriji za ocjenjivanje mogu biti utvrđeni i na drugačiji način u skladu sa specifičnim potrebama za procjenu u određenoj prioritetnoj oblasti ili zahtjevima donatora.“

Član 4.

U članu 15. stav (2) mijenja se i glasi:

„(2) Konačna lista o odabiru projekata bit će objavljena na zvaničnoj internet stranici Grada Tuzle.


Član 5.

Ostale odredbe Odluke ostaju na snazi.

Član 6.

Ova Odluka stupa na snagu narednog dana od dana objavljivanja u „Službenom glasniku Grada Tuzla“.

Bosna i Hercegovina
Federacija Bosne i Hercegovine
Tuzlanski Kanton
GRAD TUZLA
GRADONAČELNIK
Broj: 02/11-A-7118-2022
Tuzla, 28.4.2022. godine



GRADONAČELNIK

Jasmin Imamović, dipl. pravnik